

KNI A/S-imut
Reg.nr. A/S 209.713
I L E Q Q O R E Q Q U S A T

§ 1

- 1.1. Suliffeqarfik KNI A/S-imik ateqarpoq, ingerlataralugillu taaneqartartoq Pilersuisoq A/S (KNI A/S) kiisalu aamma taaneqartartoq Polaroil A/S (KNI A/S).
- 1.2. Suliffeqarfiup najugaqarfialugu inissisimaffigaa Qeqqata Kommunea, Kalaallit Nunaat.

§ 2

- 2.1. Niuerneq tunngavigalugu KNI A/S ingerlatsivoq, niuernermilu pissusissamisoortumik makkua ingerlataralugit:
 - a) a) Engros-imiit pisiniarfinniillu niuernermik ingerlatsinerit,
 - b) Aalisakkanik imarmiunillu allanik nioqqtissiorneq, nersutinik toqoraanermiit nioqqtissiorneq inuussutissanillu allanik aamma nioqqtissiorneq kiisalu taakkununga attuumassutilinnut aningaasalersuuteqarnermik ingerlatsineq,
 - c) Nunaqarfinnut nunaqarfiinniillu immakkut usinik. assartuineramik ilaasunillu angallassinermik ingerlatsinerit.
- 2.2. Inatsisartut Peqqussutaat KNI A/S-imut atuuttoq malillugu, niuernermi atugassarititaasunut naapertuuttumik isumaqatigiissuteqaqqullugu, makkuninnga KNI A/S isumaginnissasoq Naalakkersuisunit piumaffigineqarsinnaavoq:
 - a) nioqqtissanik pinngitsoorneqarsinnaanngitsunik, inuussutissarsiornermi sakkussanik kiisalu ikummatissanik imerpalasunik pisortatigoortumik pilersuineramik ingerlatsissasoq,
 - a) tunitsivinnik nioqqtissiorfinnillu pilersitsilluniluunniit ingerlatsissasoq,
 - b) immakkut usinik assartuillunilu ilaasunik angallassinermik ingerlatsissasoq.
- 2.3. § 2.1. a)-mi aammalu § 2.2. a)-mi siunertat taaneqartut, tamakkiisumik tamakkiisuunngitsumilluunniit suliffeqarfiutigisat aqutigalugit aammalu suliffeqarfiit allat suleqatigalugit isumagineqarsinnaapput.

§ 2.1. b)-mi, § 2.1. c)-mi, § 2.2. b)-mi kiisalu § 2.2. c)-mi siunertat taaneqartut, suliffeqarfiutigalugit pigisat aqutigalugit tamakkiisumik tamakkiisuunngitsumilluunniit isumagineqarsinnaapput.

§ 2.1. b)-mi aammalu § 2.2. b)-mi imaluunniit 2.1. c)-mi kiisalu 2.2. c)-mi siunertanut taaneqartunut suliffeqarfiutigisat isumaginnissinnaasut, 2.1. a)-mi aammalu 2.2 a)-mi siunertat taaneqartut atorpeqarsinnaangillat.

§ 2.1. a)-mi aamma § 2.2. a)-mi imaluunniit 2.1. c)-mi aamma 2.2. c)-mi, siunertanut taaneqartunut suliffeqarfiutigisat isumaginnissinnaasut, 2.1. b)-mi aammalu 2.2 a)-mi, siunertanut taaneqartunut atorpeqarsinnaangillat.

§ 2.1. a)-mi aamma § 2.2. a)-mi imaluunniit 2.1. c)-mi aamma 2.2. c)-mi, siunertanut taaneqartunut suliffeqarfiutigisat isumaginnissinnaasut, 2.1. c)-mi aammalu 2.2 c)-mi, siunertanut taaneqartunut atorpeqarsinnaangillat.

§ 3

- 3.1. Ileqqoreqqusanit ukunannga aammalu ingerlatseqatigiiffiit pillugit inatsit qaqugumulluunniit atuutsinneqartoq malillugu aammalu KNI A/S pillugu Inatsisartut Peqqussutaanni nr. 4, 6. juni 1997-imeersumi aammalu Inatsisartut Peqqussutaanni nr. 1, 31. maj 2001-meersumi kingullermik allannguinerit tunngavigalugit kiisalu Inatsisartut Peqqussutaanni nr. 7, 14. november 2004-meersoq tunngavigalugit ingerlatseqatigiiffimmi pissutsinut tunngasut iluarsiiiffigineqartarput.

§ 4

- 4.1. Suliffeqarfiup isumaginninnermik ingerlatai naatsorsuuserinikkullu pissutsit imatut ilu-arsartuunneqarsimassapput, aqutsinermut, isumagalugit ingerlatanut, allaffissornermi aqut-sinermi suliffeqarfiullu nammineq ilumini naatsorsuuserinermik nakkutilliinerit ingerlatai isumalluuteqarfiunngitsumik killiffeqarnermikkut, suliffeqarfiutigisap aningaasaataasa aammalu naatsorsuuserinermik ingerlatsinera pissutsinut atuuttunut imatut qularnaarsimas-sapput, Kalaallit Nunaanni Namminersorlutik Oqartussat isumalluutigisinnaajunnarlugit aaqqitaasimassallutik, kiisalu aamma pisortaniit akilerneqaataasartut, suliffeqarfiup nammi-neq ingerlataanut immikkoortilluinnarlugit naatsorsuuteqartinneqassapput, taamaaliornermullu toqqammavigineqarpoq ileqqoreqqusami § 2.2.

§ 5

- 5.1. Suliffeqarfiup aktiatigut piginneqatigiinnermi aningaasaatai 310.000.000,- kr.-inik an-nertussuseqarput – allallugit kr. trehundredeettimillioner 00/100, aktianut 1.000 kr.-ikkaartunut agguataarsimasut aammalu kisitsisinut tassannga agguarneqarsinnaasunut aningaasartallit.
- 5.2. Suliffeqarfiup aktiat pigisai suliffeqarfiup aqqanik ilisarnaateqassapput Inuussutis-sarsiornermullu Aqutsisoqarfiup it-systemiani nalunaarsorsimajuaannassallutik (Pisortat Piginnittunik Nalunaarsuiffiat). Ingerlatseqatigiiffik aktianut pigisanut uppernarsaa-siorneq ajorpoq.

- 5.3. Aktiat sutigulluunniit immikkut pisinnaatitaaffiliisinnaanngillat. aktianillu piginnittut kikkulluunniit aktiat pigisatik, taakkualuunniit ilaannaat, aningaasanngorlugit, nammineq sinnerlutik suliffeqarfik allaluunniit tigusetissinnaanngilaat.
- 5.4. Suliffeqarfiup aktiat pigisai nioqputigineqarsinnaanngillat.

§ 6

- 6.1. Ataatsimeersuarneq suliffeqarfiup najugaqarfigalugu inissisimaffiani imaluunniit Nuumi ingerlanneqartassaaq.
- 6.2. Ukiut tamaasa ileqqusumik ataatsimeersuortoqartassaaq, taannalu ima siusinaartigisumik pisassaaq, ukiup naatsorsuiffiusup naaneraniit kingusinnerpaamik qaammatit sisamat sapaatillu akunneri pingasut qaangiutsinnagit, ukiumoortumik nalunaarut kukkurnersorneqarsimasoq akuersissutigineqarsimasorlu Inuussutissarsiornermut Aqutsisoqarfimmi tiguneqareersimasassalluni.
- 6.3. Siulersuisut, kukkurnersiuisup imaluunniit ataatsimeersuarnerup pissusissamisoorsorippagu, immikkut ittumik ataatsimeersuortoqassaaq. Aktiatigullu piginneqataasut qulerarterutaasa immikkut ittumik ataatsimeersuariaqqusillutik oqaluuserisassatut allaganngorlugi nassiussaasa tiguneranniit, kingusinnerpaamik sapaatip akunneri marluk qaangiuppata, immikkut ittumik ataatsimeersuariaqqusineq pissaaq.
- 6.4. Siusinnerpaamik sapaatip akunnerinik sisamanik ataatsimeersuarnissaq sioqqullugu, kingusinnerpaamillu ullunik 14-inik sioqqutsilluni, aktianik piginnittut najugaasa Pisor-tat Piginnittunik Nalunaarsuiffianni nalunaarsukkat tunngavigalugit nassiunneqartumik, siulersuisuniit e-mailikkut imaluunniit allaganngorlugi ataatsimeersuariaqqusineq pissaaq. Ataatsimeersuariaqqusissummi oqaluuserisassat kiisalu ataatsimeersuarnermi oqaluuserisassatut siunnersuutit oqaluuserineqartussat tamakkerlutik allanneqarsimasapput, ataatsimeersuarnermilu oqaluuserineqartussanik ileqqoreqqusanut allannguutis-sanik siunnersuuteqarpat, siunnersuummi pingaernerutitat ataatsimiigiaqqusissummi ilanngunneqassapput. Aggersaaneq Inuussutissarsiornermut Aqutsisoqarfiup it-sys-temiatigut nalunaarutigineqartassaaq kingusinnerpaamik piginnittunut nalunaarutigi-neqarnera ilutigalugu.

Ingerlatseqatigiiffiit pillugit inatsimmi § 77-imi, imm. 2-mut, § 92, imm. 1-imut imaluunniit § 107 imm. 1-imut imaluunniit 2-mut siunnersuutit aalajangiinissamut attuumassutillit oqaasertaliorneri taamakkiisumik ilanngunneqassapput.

Immikkut ittumik ataatsimeersuortoqassatillugu tamatumunnga pissutaasoq taaneqassaaq.

- 6.5. Ataatsimeersuarnissaq kingusinnerpaamik ullunik 14-inik sioqqullugu, suliffeqarfiup allaffiani oqaluuserisassat siunnersuutillu tamakkiisut, aktianik piginnittunit misissugasanngorlugit saqqummerneqassapput. Ileqquusumillu ataatsimeersuarnermut tunngatilugu, ukiumoortumik nalunaarut kukkumersiuusunit oqaaseqaatitalik, kingusinnerpaamik ataatsimeersuarnissaq ullunik 30-nik sioqqullugu, suliffeqarfiup allaffiani aktiatigut piginnittunit misissuataagassanngorlugu inissinneqassaaq aammalu aktianik piginnittunit tamanut aqqisigut nalunaarsukkat naapertorlugit, najugaannut e-mailikkut imaluunniit allakkatigut nassiunneqassalluni.
- 6.6. Kinaluunniit aktiatigut piginnittoq, ataatsimeersuarnermi aalajangersimasumik oqaluuserisassanngorfitsinissaminut pisinnaatitaavoq, oqaluuseritinniagarli allaganngorlugu ataatsimeersuarnissaq sapaatit akunnerinik arfinilinnik sioqqullugu siulersuisunu nassinneqarsimassaaq. Oqaluuseritinniagaq ataatsimeersuarnissaq sioqqullugu tunniussivissaaq sapaatit-akunnerinik arfinilinnik killigititaasoq qaangiutereersoq suliffeqarfimmit tigu-neqarsimappat oqaluuseritinniagaq ataatsimeersuarnermi oqaluuserisassanut ilanngunneqarsinnaaneranut angumersinersoq siulersuisut nalilissavaat.
- 6.7. Ataatsimeersuariaqqusineq suliffeqarfiup suliffeqarfissuullu sulisuinut nalunaarutigineqassaaq.
- 6.8. Aktianik piginnittut ataatsimeersuarnermi aalajangiinissaannut ileqqoreqqusat imaluunniit aqqissuussisimaneq tunniussinissamullu killigititaasut ingerlatseqatigiiffiit pillugit inatsimmi nassuiarneqartut avaqqutaassallugit aktianik piginnittut aalajangiisinnaangilat, tassa aktianik piginnittut aalajangigassaqarpat tamanna pisassaaq ataatsimeersuarnermi.
- 6.9. Ataatsimeersuarneq tusagassiortunut ammasuuvoq.

§ 7

- 7.1. Ileqquusumik ataatsimeersuarnermi oqaluuserisassani makkua sammineqassapput:
- a) Suliffeqarfiup suliai pillugit nalunaaruteqarneq.
 - b) Ukiumoortumik nalunaarutip akuerisassanngorlugu saqqummiunneqarnera.
 - c) Naatsorsuutit akuerineqartut naapertorlugit, sinneqartoorutit atornissaannik imaluunniit amigartoorutit matussusernissaannik aalajangersaaneq
 - d) Akissarsiarititat pillugit politikkip akuersissutigineqarnera
 - e) Siulersuisuni ilaasortassanik, siulersuisuni siulittaasussaaq ilanngullugu, qinersineq
 - f) Siulersuisuni siulittaasumut, siulersuisunilu ilaasortanut aningaasarsiaritinneqartussanik aalajangersaanerit.
 - g) Kukkumersiuusussamik toqqaaneq.

§ 8

- 8.1. Siulersuisut aqutsisussatut toqqagaat ataatsimeersuarnermi isumaqatigiissutigineqartusanut aqutsisuusaaq, sulianillu ingerlatseriaatsimi apeqqutinut sunulluunniit tamanut, taasinernut taakkualu inernerinut taanna aalajangiisuusaaq.

§ 9

- 9.1. Aktianik piginneqataassut ataaseq 1.000,- kr.-imik aningaasartalik taasinermik ataatsimik naleqarpoq.
- 9.2. Aktiatigut piginneqatigiilluni ingerlatsinermut inatsimmi, sinniisoqarnissaaq amerlanerussuteqarnerlu immikkut ittumik pisinnaatitaaffilerneqarsimangippata, suliat ataatsimeersuarnermi ingerlanneqartut, nalinginnaasumik amerlanerussuteqarneq atorlugu aalajangiiffigineqartassapput.
- 9.3. Ataatsimeersuarnermi pisut, isumaqatigiinniarnert pillugit suliffeqarfiup allattuiffigisartagaanut nalunaarusiaralugit allanneqassapput, tassanilu aqutsisoq atsiussaaq. Ataatsimeersuareernerup kingorna kingusinnerpaamik sapaatit-akunneri marluk qaangiunnerini isumaqatigiinniarnert pillugit suliffeqarfiup allattuiffigisartagaa, imaluunniit taanna anillatseriarlugu uppernarneqarnikuusooq, suliffeqarfimmi aktiatilinnut pissarsiaarsatinneqassaaq. Kingusinnerpaamik isumaqatigiinniarnert pillugit suliffeqarfiup allattuiffigisartagaata aktiatilinnut pissarsiarineqarsinnaalersinneqarnera ilutigalugu anillatseriarlugu uppernarsarlugu atsiornikoq Inuussutissarsiornermut Aqutsisoqarfimmut nassiunneqassaaq.

§ 10

- 10.1. Ataatsimeersuarnermi toqqakkanik suliffeqarfimmi siulersuisunut ilaasortat sisamanik arfinilinnilluunniit amerlassuseqassapput. Ataatsimeersuarnermi siulersuisuni ilaasortassatut toqqakkat amerlassusissaatut allaqqasut saniatigut piginneqatigiilluni ingerlatsinermi inatsimmi § 140 naapertorlugu suliffeqarfimmi sulisut siulersuisuni ilaasortaattassaminnik qinersinissaminnut pisinnaatitaapput.
- 10.2. Siulersuisuni ilaasortat ataatsimeersuarnermi toqqakkat ukioq ataasiakkaarlugi ilaasortaasassapput. Qinerneqaqqittoqarsinnaavoq.
- 10.3. Ilaasortaaffissatut piffissaaq suli atuutsillugu, siulersuisuni ilaasortaq tunuartussanngorpat, tamanna pissutigalugu sinniisusnaanik nutaamik toqqaasoqassaaq, taannalu ilaasortaaffissap sinnerani ilaasortaassaaq.
- 10.4. Ilaasortat tunualersut qinerneqaqqissinnaapput.

- 10.5. Siulersuisuni ilaasortat akornanni siulersuisuni siulittaasusaaq ataatsimeersuarnermi qinernerqassaaq. Siulersuisullu akunnerminni siulittaasup tullianik toqqaassapput, taannalu siulersuisuni suleriaasissatut aalajangersakkat malillugit, siulittaasup peqanngiffiini siulittaasumut paarlattaasassaaq. Siulersuisuni siulittaasooq tullialu qineqqinneqarsinnaapput.
- 10.6. Siulersuisunut ilaasortat ukiumut aningaasarsiaqartitaassapput, ukiumi tulliuuttumi ataatsimeersuarnermi annertussusissaat aalajangerneqartartussamik.
- 10.7. Inuit namminersorlutik imaluunniit atorfilittut niuerneramik attuumassuteqartunik ingerlatsinerminni, suliffeqarfimmut akerliusumik imaluunniit siulersuisuni peqataanermikkut suliffeqarfiup akiligaanik imminnut iluaqutaasussarsiortut, siulersuisuni ilaasortatut qinigaasinnaanngillat.
- 10.8. Siulersuisuni ilaasorta qinaagaluartorluunniit, aktiatigut piginneqatigiilluni suliffeqarfinni allani aqutsisutut inissisimasimaguni, ataatsimeersuarnermi qinersineq sioqqullugu, tamanna nalunaarutigisussaavaa, matumanili suliffeqarfiutigisat 100 %-imik piginneqartut pineqanngillat.
- 10.9. Siulersuisunut siulittaasooq siulersuisunut siulittaasutut suliassat saniatigut suliffeqarfimmut allatigut sullississanngilaq. Siulersuisunulli siulittaasooq siulersuisunit qinnuigineqarnermigut pisariaqartitsineq piumaffigineqarnerlu naapertorlugi suli-aqarsinnaavoq.

§ 11

- 11.1. Siulersuisuni suliassat suliaralugit ingerlanneqartartut, nalinginnaasumik amerlanerussuteqarnikkut aalajangiiffigineqartassapput. Taasinernili amerlaqatigiittoqartillugu, siulittaasup taasinera aalajangiisuusassaaq. Tamatumalu saniatigut, siulersuisuni suleriaasissatut aalajangersakkat atorlugit, suliassat ingerlatatik pillugit siulersuisut aalajangersaasinnaapput.
- 11.2. Siulersuisut ataatsimiinnerini pisut, isumaqatigiinniarnert pillugit suliffeqarfiup allattuiffigisartagaanut nalunaarusiaralugit allanneqassapput, tassanilu ilaasortat tamakkerlutik atsiussapput.
- 11.3. Siulersuisut suliassamik isumagineqarneri pillugit aalajangersakkanik erseqqinnerusunik suleriaasissaminnik aalajangersaassapput. Siulersuisut suleriaasissatut aalajangersagaat sularineqareerpat kingusinnerpaamik sapaatit-akunneri sisamat qaangiunnerini Inuussutissarsiornermut Aqutsisoqarfiup it-systemiatigut saqqummiunneqassaaq.
- 11.4. Arnat angutillu naligiisitaanissannut inatsit tunngavigalugu suaassutsit ikinnerussuteqartut qanoq amerlatiginissaannik siulersuisut anguniagassiussapput kiisalu suliffeqarfimmi pisortatut sulisut akornanni suaassutsit ikinnerussuteqartut amerlinissaat siunertaralugu politikissamik suliassallutik.

- 11.5. Pisut suliffeqarfimmut ingerlatseqatigiiffimmulluunniit pingaarutilimmik sunniuteqarsinnaasut kiisalu suliffeqarfiup, sulisut, aktiatillit akiligassaqarfiillu siunissaannut sunniuteqarsinnaasut pillugit Inuussutissarsiornermut Aqutsisoqarfimmut nalunaarutigineqartarnissaat siulersuisut qulakkiissavaat.
- 11.6. Siulersuisuni ilaasortaanerminni ilisimalikkatik suugaluartulluunniit pillugit, siulersuisuni ilaasortat nipangiussisussaataapput, kisiannili pissutsit aammalu inatsisit malillugit erniinnaq pisortatigoortumik saqqummiunneqartussatut siulersuisunit isumaqarfigineqarlutik aalajangiunneqartut, matumani pineqanngillat.
- 11.7. Pisortaqarfimmik, 1 – 3-nik pisortaqartumik, siulersuisut atorfinitsissapput.

§ 12

- 12.1. Kalaallit Nunaanni Namminersorlutik Oqartussat imaluunniit suliffeqarfik ataaseq, suliffeqarfiilluunniit arlaqartut, tamakkiisumik tamakkiisuunngitsumilluunniit, katillutik suliffeqarfiup aktiatigut aningaasaatai 100 %-imik pigippatigit, tamanna tunngavigalugu paasissutissat inuiaqatigiinnut annikitsuinnartigulluunniit pingaaruteqarsorisat, imaluunniit inuiaqatigiinni aningaasaqarnermut sunniuteqartussatut isumaqarfigineqartut, siulersuisut aktiatigut piginnittunut saqqummiutissavaat.

§ 13

- 13.1. Suliffeqarfik sinnerlugu atsiortuusinnaapput pisortaq ataaseq siulersuisunilu siulittaasoq imaluunniit siulersuisuni siulittaasoq siulersuisunilu ilaasortaq ataaseq, imaluunniillu siulersuisut tamarmiisut.

§ 14

- 14.1. Kukkuersiuiineq ingerlanneqartassaaq, naalagaaffimmi akuerisaasumit kukkuersiuisumit ataatsimit marlunnilluunniit.
- 14.2. Tullianik ataatsimeersuartoqarnissaata tungaanut atuuttussamik, kukkuersiuisusaaq ataatsimeersuarnermi qinerneqassaaq.
- 14.3. Kukkuersiuisoq piginnittunit piumaffigineqarnermigut ukiut tamaasa, suliffeqarfiup ileqqusumik ataatsimeersuarnissaa sioqqullugu, piginnittup kukkuersiuisullu kukkuersiuiillutik ataatsimiinnissaanni peqataasassaaq. Ileqqusumik ataatsimeersuarnissami ingerlanneqartussami piginnittut paasissutissat pisariaqartut ilisimatitsissutigineqartut tunngavigalugit aalajangiiniassammata, ataatsimiinnermit kukkuersiuisup nipangiussisussaanaera ataqqillugu, suliffeqarfiup ukiumoortumik nalunaarutaa ataatsimiissutigineqartariaqarpoq.

- 14.4. Kukkuersiuisoq suliffeqarfiup ileqquusumik ataatsimiinnerani peqataasassaaq.
- 14.5. Suliffeqarfiup kukkuersiuisua tunuarpat, imaluunniit allatut kukkuersiutut ator-
neqarunnaarpat, sinniisussaqaqqippallu, tunuartutut nalunaarutigineqarneraniit
kingusinnerpaamik ullut arfineq-pingasut qaangiunnerani kukkuersiuisussamik nu-
taamik toqqaanissaq siunertaralugu siulersuisut immikkut ataatsimeersuarnissaannut
aggersarneqassapput.

§ 15

- 15.1. Aprilip aallaqqaataaniit martsip 31-annut, suliffeqarfiup ukiumut naatsorsuusiorfigaa,
allannguinnermilu 2009-mi januarip aallaqqaataaniit martsip 31-annut ikaarsaariarneqar-
poq. Ukiumullu naatsorsuusiorfik siulleq tassaalerpoq 2009-mi aprilip aallaqqaataani-
it 2010-mi martsip 31-iannut.

§ 16

- 16.1. Ukiumoortumik nalunaarut inatsisit naapertorlugit paasiuminartumik suliarineqarsimas-
saaq aammalu suliffeqarfiup pigisaanik akiligasaanillu kiisalu aningaasaqarnermigut
inissisimaneranik angusaanillu, eqqortumik takutitsisuussaaq.

Taamaalilluni kingullermik allanngortitsineq pivoq ulloq 16. september 2019 immikkut
ataatsimeersuortoqarmat aalajangiinermi.

Aqutsisutut

Niels Hansen Damm